

Բարեխաւեց պետական պաշտօնէութեան ու բանակի նիւթական դրու-
թիւնը, կազմակերպւեցին կօօպերատիւներ, գրադարաններ, ակումբներ,
տուակապէս երկաթուղային բանուրութեան համար. հողացւեցին նաև
ծայրագաւառների սուր կարիքները, որոնց օգնութիւն հասցրինք թէ դրա-
մով և թէ մթերքով:

Վերջին խլրտումները ցոյց տւին, որ պետական պաշտօնէութեան մէջ
թոյլ է պետական հասկացողութիւնը, և նոյնիսկ շատ շատերը միանգամայն
գուրկ են դրանից: Դրա պատճառներից մէկն այն է, որ պաշտօնէութեան
մէջ տեղ են բռնել օտարազգի անձինք: Այդ երևոյթը վերացնելու համար,
միջոցներ ձեռք առնւեցին արագացնելու պետական հիմնարկութիւնների
հայացումն ու ազգայնացումը:

Սպեկուլացիան, որ տնտեսական տաղնապը ծնող պատճառներից մէկն
է, հարկ եղած ուշադրութեան առնւեց և նրա դէմ կուելու համար միջոցներ
մշակւեցին:

Ընդհանուր դժգոհութեան պատճառներից մէկը կարելի է համարել նաև
հողագրկութիւնը: Թէպէտ մենք ունէինք հողային կոմիտէներ, բայց նրանց
գործունէութիւնը որևէ արդիւնք չէ տւել. կառավարութիւնն ընդունեց նոր
օրէնք՝ հողային խնդիրները շտապով կարգաւորելու համար:

Բանակի կարիքները հողալու և դժգոհութեանց առիթները վերացնե-
լու համար ձեռնարկւեցին և գործադրւեցին համապատասխան միջոցներ:

Ընդհանուր ֆինանսական կացութիւնը փրկելու համար հաստատեցինք
20 միլիոն դոլարի արտաքին և ներքին փոխառութեան օրէնքը՝ յանուն
Հայաստանի անկախութեան:

Հայաստանում ծագած խռովութիւնները բացասական հետևանք պիտի
ունենային և, մասամբ, ունեցան Հայկական հարցի նկատմամբ՝ արտաքին
աշխարհում: Ծիշտ այն օրը, երբ պիտի յանձնէր Տաճկաստանին հաշտու-
թեան պայմանագիրը, ծայր առան հակապետական շարժումները մեր երկրի
ներսում, իսկ դրանից առաջ, ղեռ մայիս 6-ին, Պոլսից Փարիզ խիւստ հե-
ռադրով յայտնել են, թէ Հայաստանն արդէն ընդունել է խորհրդային
խիչանութիւն ու բաժանում է Ռուսաստանի և Տաճկաստանի միջև: Այս
միտումաւոր լուրերի իսկական նպատակը պարզ է. մեր հակառակորդները
ցանկացել են դրանով վերացնել պայմանագրի գոնէ Հայաստանին վերաբե-
րող մասը: Միջոցներ ձեռք առնւեցին, ի հարկէ, հերքելու ստայոգ լուրերը,
որի համար և արտասահման առաքւեց մեր ընկերներից մէկը:

Բացասական հետևանքներից մէկն էլ կարող էր լինել բանակի քայ-
քայումը, որ միանգամայն ձեռնտու էր մեզ օղակած թշնամիներին, սակայն,
ուրախ եմ յայտնելու, որ ոչ միայն տեղի չունեցաւ այդ, այլ՝ առաջւանից
աւելի դգաստ, աւելի արթուն՝ զօրքը պատրաստ է դիմագրելու թէ ներքին
խռովութիւնները և թէ արտաքին յարձակումները (երկարատև ծախեր):
Մուրաւսները զղջացին ու միացան հաւատարիմ զօրքին:

Ինչ վերաբերում է արտաքին աշխարհին, պէտք է յայտնեմ, որ մայիս
11-ին ներկայացրած հաշտութեան պայմանագրի համաձայն Տաճկաստանը
պարտաւոր է ճանաչել Հայաստանի անկախութիւնը և ընդունել այն սահ-
մանները, որ կը գծէ Վիլսընը: Թէպէտ պաշտօնապէս մեզ ոչինչ յայտնի չէ,
բայց լրագրական տեղեկութիւններն ասում են, որ ամերիկեան սենատը
հաւանութիւն չէ տւել Վիլսընի միջամտութեան:

Մէկ ամսուայ ընթացքում ոչ մի փոփոխութեան չեն ենթարկւել մեր
յարաբերութիւնները Ազրբէջանի հետ: Ինչպէս գիտէք, մենք տւինք համա-